

Na osnovu člana 22. st. 1. i 4. Zakona o slatkovodnom ribarstvu ("Službene novine Federacije BiH", broj 64/04), federalni ministar poljoprivrede, vodoprivrede i šumarstva donosi

## **PRAVILNIK**

### **O IZMJENAMA I DOPUNAMA PRAVILNIKA O PROGRAMU I NAČINU POLAGANJA RIBARSKOG ISPITA, OBRASCU I NAČINU IZDAVANJA UVJERENJA O POLOŽENOM RIBARSKOM ISPITU I REGISTRU O IZDATIM UVJERENJIMA O POLOŽENOM RIBARSKOM ISPITU**

#### Član 1.

U Pravilniku o programu i načinu polaganja ribarskog ispita, obrascu i načinu izdavanja uvjerenja o položenom ribarskom ispitu i registru o izdatim uvjerenjima o položenom ribarskom ispitu ("Službene novine Federacije BiH", broj 63/05) u članu 4. stav 2. mijenja se i glasi:

"Komisija se sastoji od tri člana i to:

- Predsjednika matičnog udruženja-predsjednik komisije,
- Predstavnik Federalnog ministarstva poljoprivrede vodoprivrede i šumarstva, odnosno kantonalnih ministarstava-član Komisije,
- Predstavnik Upravnog odbora Sportsko-ribolovnog saveza FBiH-član Komisije."

#### Član 2.

Član 5. mijenja se i glasi:

"Ispit organizuje Matično sportsko rekreativno društvo uz saglasnost Sportsko-ribolovnog saveza FBiH.

Sportsko-ribolovno društvo objavljuje poziv za polaganje ispita".

#### Član 3.

Član 6. mijenja se i glasi:

"Kandidat koji želi polagati ispit podnosi pismenu prijavu matičnom sportsko ribolovnom društvu.

Prijava se podnosi na obrascu koji se štampa uz ovaj Pravilnik i čini njegov sastavni dio (prilog 1)."

#### Član 4.

Član 7. mijenja se i glasi:

"Članovi komisije moraju biti stručna lica u oblasti ribarstva i sportsko rekreativnog ribolova.

Članovi komisije imaju pravo na putne troškove u skladu sa Zakonom.

Troškove polaganja ribarskog ispita u iznosu od 20 KM snosi kandidat.

Sredstva se uplaćuju na račun matičnog sportsko ribolovnog društva.

Uplaćena sredstva za polaganje ribarskog ispita raspodjeljuju se na slijedeći način:

- 75% sredstava pripada organizatoru (MSRD) za potrebe organizacije ispita i isplate putnih troškova članovima komisije i poboljšanja ribočuvarske službe na terenu.
- 25% sredstava uplatom na račun Sportsko ribolovnog saveza F BiH služi za potrebe izdavanja certifikata o položenim ribarskim ispitima te vođenju evidencije o položenim ribarskim ispitima."

Član 5.

Član 8. mijenja se i glasi:

"O toku polaganja ispita vodi se zapisnik čiji je sastavni dio test kandidata i prijava (obrazac 1).

Zapisnik o polaganju ispita potpisuje komisija (sva 3 člana).

Kandidat koji je neopravdano odustao od započetog ispita smatra se da nije položio ispit.

Kandidat koji nije položio ispit stiče pravo ponovo podnijeti prijavu za polaganje ispita nakon isteka šest mjeseci od dana posljednjeg polaganja".

Član 6.

Član 9. briše se.

Član 7.

U članu 10. stav 2. mijenja se i glasi:

"Kandidat se ocjenjuje ocjenom "položio" ako je pokazao zadovoljavajuće znanje ispitnog gradiva, odnosno pravilno riješio 60 % testa."

Član 8.

Član 11. mijenja se i glasi:

"O položenom ispitu svakom kandidatu Savez (SRS FBiH) izdaje uvjerenje na obrascu koji je štampan uz ovaj Pravilnik i čini njegov sastavni dio (prilog 2).

Podaci u obrascu Uvjerenja ispunjavaju se kompjuterski, pisaćom mašinom ili rukom štampanim slovima."

Član 9.

Član 12. briše se.

Član 10.

Član 13. mijenja se i glasi:

"Na obrascu uvjerenja na prvoj stranici stoji:

- Naziv organa koje izdaje uvjerenje;

- Naziv obrasca uvjerenja;
- Ime i prezime nosioca uvjerenja;
- Adresa prebivališta nosioca uvjerenja;
- Datum, mjesto i država rođenja.

Na drugoj stranici uvjerenja stoji:

- Državljanstvo;
- Broj lične karte ili broj pasoša nosioca uvjerenja;
- Datum i mjesto polaganja ispita;
- Broj uvjerenja po registru;
- J.M.B.R.;
- M.P. i potpis ovlaštenog lica."

Član 11.

Član 14. mijenja se i glasi:

"Uvjerenje iz člana 8. ovog Pravilnika bez obaveze polaganja ispita izdaje se:

- Licu koji je na osnovu propisa koji su bili na snazi do stupanja na snagu Zakona o slatkovodnom ribarstvu položio ribarski ispit;
- Licu koje je položilo ispit ribarstvo na VI ili VII stepenu obrazovanja;
- Licu koje je položilo ribočuvarski ispit;
- Uvjerenje iz stava 1. ovog člana izdaje se zaključno sa 31.12.2010.godine."

Član 12.

Član 15. mijenja se i glasi:

"Registar o izdatim uvjerenjima po ovom Pravilniku (u daljnjem tekstu: Registar) vodi se prema obrascu registra koji je štampan uz ovaj Pravilnik i čini njegov sastavni dio. (prilog br.3)

Registar se sastoji od listova papira formata A4 koji su označeni rednim brojem i moraju biti uvezani."

Član 13.

Član 16. mijenja se i glasi:

"U registar se upisuju slijedeći podaci:

- redni broj;
- serijski broj uvjerenja;
- ime i prezime nosioca uvjerenja;
- adresa prebivališta;
- JMBR;
- datum, mjesto i država rođenja;
- datum i mjesto polaganja ispita;
- ovlašteno lice."

Član 14.

Ovaj Pravilnik stupa na snagu narednog dana od dana objave u "Službenim novinama Federacije BiH".

---

Broj 02-24-125-3/09  
16. aprila 2009. godine  
Sarajevo

---

Ministar  
Mr. sci. **Damir Ljubić**, s. r.